

Na osnovu člana 7. Odluke o neposrednom učešću u troškovima pojedinih vidova zdravstvene zaštite u osnovnom paketu zdravstvenih prava na teritoriji Tuzlanskog kantona ("Službene novine Tuzlanskog kantona", broj: 10/23) i člana 10. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) Upravni odbor Zavoda zdravstvenog osiguranja Tuzlanskog kantona na VI telefonskoj sjednici održanoj 30.06.2023. godine donosi

UPUTSTVO

o povratu sredstva za uplaćenu premiju osiguranja za 2023. godinu

Član 1. (Predmet)

- (1) Uputstvom o povratu sredstava za uplaćenu premiju osiguranja za 2023. godinu utvrđuje se način i postupak povrata sredstva za uplaćenu premiju osiguranja za 2023. godinu (u daljem tekstu: premija osiguranja).
- (2) Pod uplaćenom premijom osiguranja za 2023. godinu se podrazumijeva uplaćena premija osiguranja koja je uplaćena na depozitni račun Zavoda.

Član 2. (Pravo na povrat)

Pravo na povrat sredstava uplaćene premije osiguranja za 2023. godinu imaju:

- a) poslodavci, za radnike i njihove članove porodice za koje su izvršili uplatu premije osiguranja;
- b) osigurana lica koja su izvršila uplatu premije osiguranja.

Član 3. (Pravo povrata po službenoj dužnosti)

Postupak povrata sredstava za premiju osiguranja po službenoj dužnosti vrši se za poslodavce koji su za svoje radnike i njihove članove porodice izvršili uplatu premije osiguranja.

Član 4. (Postupak povrata poslodavcima)

- (1) Povrat sredstava uplaćene premije osiguranja poslodavcu vrši se na osnovu rješenja koji donosi poslovnička zdravstvena osiguranja nadležna prema mjestu sjedišta poslodavca, na račun poslodavca.
- (2) Rješenje se donosi na osnovu spiska poslodavca koji je priložen prilikom uplate premije osiguranja i na osnovu podataka u informacionom sistemu Zavoda o uplati premije osiguranja za radnike i/ili njegove članove porodice sa navedenog spiska.

Član 5. (Postupak povrata po zahtjevu osiguranog lica)

- (1) Osigurana lica postupak za povrat sredstava za uplaćenu premiju osiguranja pokreću putem zahtjeva podnesenog u poslovničku zdravstvenu osiguranju nadležnoj prema njegovom mjestu prebivališta.
- (2) Obrazac zahtjeva je sastavni dio ovog Uputstva.
- (3) Uz zahtjev su dužni priložiti:
 - a) dokaz o uplati premije osiguranja;

- b) izjava da je saglasan za uplatu sredstava na određeni broj tekućeg računa.
- (4) Ukoliko je osigurano lice ne posjeduje dokaz o uplati premije osiguranja iz stava (3) tačka a) ovog člana, poslovница zdravstvenog osiguranja vrši uvid u službenu evidenciju Zavoda, kako bi utvrdila da je izvršena uplata u skladu sa dostavljenim zahtjevom.
- (5) Nakon provedenog postupka utvrđivanja osnovanosti zahtjeva, poslovница zdravstvenog osiguranja nadležna prema mjestu prebivališta osiguranog lica donosi rješenje.

Član 6.
(Stupanje na snagu)

Ovo Uputstvo stupa na snagu danom donošenja, a objavit će se u „Službenim novinama Tuzlanskog kantona“.

Tuzla, 30.06.2023. godine
Broj: 01-04-1-20-12-1/23



Predsjednik Upravnog odbora
dr. Muhamed Osmanović

(ime i prezime)

(jedinstveni matični broj)

(mjesto stanovanja i adresa)

(broj telefona i e-mail)

**ZAVOD ZDRAVSTVENOG OSIGURANJA
TUZLANSKOG KANTONA**
Poslovnica _____

PREDMET: Zahtjev za povrat sredstava za uplaćene premije osiguranja za 2023. godinu

Poštovani,

Obraćam vam se sa zahtjevom za povrat sredstava za uplaćene premije osiguranja za 2023. godinu koji sam uplatio/la u mjesecu _____ 2023. godine.

Ukupan iznos za povrat iznosi _____
(upisati uplaćeni iznos)

Uz zahtjev prilažem sljedeću dokumentaciju:

- a) dokaz o uplati premije osiguranja;
- b) izjava da sam saglasan za upлатu sredstava na određeni broj tekućeg računa.

(datum i mjesto)

(potpis podnosioca zahtjeva)

